

НЭГДҮГЭЭР ХЭСЭГ

Санамж: Хариултын хуудасны заавартай сайтар танилцана уу.

- Энэхүү хэсэг нь 40 сонгох даалгавар, нийт 80 оноотой.
- Даалгавар бүр 5 сонгох хариулттай бөгөөд зөвхөн нэгийг сонгоорой.
- Сонгосон хариултаа хариултын хуудсанд будаж тэмдэглээрэй.
- Эхийг анхааралтай уншиж ойлгоод, даалгаврыг гүйцэтгээрэй.
- 1-13 дугаар сорилыг эхийн утга санаатай холбон ажиллаарай.

Үүр (эсээ)

Үүрийн манан татчихаад, урд уул сүндэрлэнэ үү, тал цэлийнэ үү, мэдэгдэхгүй...

Өөрөөсөө асуунам: “Уулын оройд мацаж, алсын үзүүр харах эрхэм үү, хонхрын хормой хумьж, хотгор гүдгэрийг нь нэгжих эрхэм үү?”

Дотроо бодном: “Аль алинд нь амьдын хугацаа хүрнэ гэж үү дээ? Хариу олоход хүний амьдрал ахардах ч юм шиг... Гэтэл хүний ахархан амьдрал шиг урт нь юу билээ дээ.

Наагуур бодоход, хязгааргүйн тасархай болсон хязгаар хүнийг хашна. Цаагуур бодтол, хязгааргүй нь хязгаараасаа эхэлнэ. Хязгааргүйгээсээ тасарч төрсний учир, төрсөн элгээ татан эргэж нийлэх гэж үргэлж тэмүүлнэ. Хязгаарт юм ийнхүү хязгааргүйдээ очиж, гарваль язгууртаа орох, хязгааргүйгээ тэлж нийлэх гэж тэмүүлэх үргэлжийн тэмүүлэл л амьдрал юм шиг. Алив хязгаар ч юм уу хугацаа гэдэг инээж асуухад уйлж хариулах, уйлж асуухад инээж хариулах оньсого ч юм шиг. Оньсого гэдэг инээдтэй наадам. Таалгах хүн нь инээд хүрч суухад таах хүн нь бодолд хатаж сууна. Таалгасан хүн нь таагаагүйгээ худалдана! Үг бүхэндээ хариу нь булталзаастай тааварт хүн бүдэрч “худалдагдана!”

Оньсого гэдэг хариунаас нь хариулж асуусан асуулт шиг. Харин энэ амьдрал гэгч асуулт-оньсого л, зохиосон хүн нь хариугаа задлалгүй өөд болчихсон орь ганц тайлал үгүй оньсого шиг!... Хүн хүн дор дороо тааж, дор дороо хариу гаргаж, олсон хариуг нь хүн хүн дур дураараа няцааж, няцаахаар ч барахгүй ханцуй шамлалцаж, ханцуй шамлалцахаар ч барахгүй барилцан авч, барилцан авахаар барахгүй багалзуурдалцан зууралдаж, багалзуурдалцахаар барахгүй амь насаа юүлэлцэж, эцэс сүүлдээ эзгүй хоосонд арилах хохийн цондон татна!

Уулын оройд мацаж, алсын үзүүр ч хармаар, хонхрын хормой хумьж, хотгор гүдгэрийг нь ч нэгжмээр! Даанч хөөрхий, аугаа их амьдрал асар богино хугацаатай юм даа!

Үүрийн манан татчихаад урд уул сүндэрлэнэ үү, тал цэлийнэ үү, эс мэдэгдэнэ.

Үүр биш үдэш мэт бүрий нөмрөвч үүр гэсэндээ хаяа нь тэмдгэрнэ...

Д.Урианхай

1. Эхэд буй үгсийг утгатай нь зөв тохируулаарай.

- | | |
|------------|----------------------|
| 1) цондон | a. юман дээрх хотгор |
| 2) гарваль | b. маш, тун |
| 3) хонхор | c. богино |
| 4) ахар | d. тавилан, ёр |
| 5) асар | e. анхны, үүдэл |

A. 1b, 2e, 3a, 4c, 5d

B. 1d, 2e, 3a, 4c, 5b

C. 1d, 2e, 3a, 4b, 5c

D. 1d, 2b, 3e, 4a, 5c

E. 1d, 2e, 3b, 4a, 5c



2. Эсээний хөтөч санаа аль нь вэ?
- A. Үүрийн манан татчихаад, урд уул сүндэрлэнэ үү, тал цэлийнэ үү, мэдэгдэхгүй...
 - B. “Уулын оройд мацаж, алсын үзүүр харах эрхэм үү, хонхрын хормой хумьж, хотгор гүдгэрийг нь нэгжих эрхэм үү?”
 - C. “Аль алинд нь амьдын хугацаа хүрнэ гэж үү дээ? Хариу олоход хүний амьдрал ахардах ч юм шиг... Гэтэл хүний ахархан амьдрал шиг урт нь юу билээ дээ.
 - D. Наагуур бодоход, хязгааргүйн тасархай болсон хязгаар хүнийг хашна. Цаагуур бодтол, хязгааргүй нь хязгаараасаа эхэлнэ.
 - E. Уулын оройд мацаж, алсын үзүүр ч хармаар, хонхрын хормой хумьж, хотгор гүдгэрийг нь ч нэгжмээр!
3. “Онъсого гэдэг хариунаас нь хариулж асуусан асуулт шиг.” толгой өгүүлбэрийг дэмжих өгүүлбэр аль вэ?
- A. Алив хязгаар ч юм уу хугацаа гэдэг инээж асуухад уйлж хариулах, уйлж асуухад инээж хариулах онъсого ч юм шиг.
 - B. Онъсого гэдэг инээдтэй наадам. Таалгах хүн нь инээд хүрч суухад таах хүн нь бодолд хатаж сууна.
 - C. Таалгасан хүн нь таагаагүйгээ худалдана! Үг бүхэндээ хариу нь булталзаастай тааварт хүн бүдэрч “худалдагдана!”
 - D. Харин энэ амьдрал гэгч асуулт-онъсого л, зохиосон хүн нь хариугаа задлалгүй өөд болчихсон орь ганц тайлал үгүй онъсого шиг!...
 - E. Хязгаарт юм ийнхүү хязгааргүйдээ очиж, гарваль язгууртаа орох, хязгааргүйгээ тэлж нийлэх гэж тэмүүлэх үргэлжийн тэмүүлэл л амьдрал юм шиг.
4. “Алив хязгаар ч юм уу хугацаа гэдэг инээж асуухад уйлж хариулах, уйлж асуухад инээж хариулах онъсого ч юм шиг” хэмээсний учир юу вэ?
- A. Таалгасан хүн нь таагаагүйгээ худалддаг учраас
 - B. Таалгах хүн нь инээд хүрч суухад таах хүн нь бодолд хатаж суудаг учраас
 - C. Онъсого гэдэг хариунаас нь хариулж асуусан асуулт шиг учраас
 - D. Онъсого гэдэг инээдтэй наадам учраас
 - E. Үг бүхэндээ хариу нь булталзаастай тааварт хүн бүдэрч худалдагддаг учраас
5. Эсээнд дэвшүүлсэн асуудал аль нь вэ?
- A. Амьдралын мөн чанарыг таних тухай
 - B. Амьдрал анх эхэлсэн цэгтээ дуусдаг тухай
 - C. Хүний амьдрал тааварлашгүй байдаг тухай
 - D. Хязгааргүй зүйл гэж байдаггүй тухай
 - E. Амьдрал бол үл мэдэгдэх онъсого шиг байдаг тухай
6. Эсээний гол санааг илэрхийлэх түлхүүр өгүүлбэрийг олоорой.
- A. Даанч хөөрхий, аугаа их амьдрал асар богино хугацаатай юм даа!
 - B. Хязгаарт юм ийнхүү хязгааргүйдээ очиж, гарваль язгууртаа орох, хязгааргүйгээ тэлж нийлэх гэж тэмүүлэх үргэлжийн тэмүүлэл л амьдрал юм шиг.
 - C. Харин энэ амьдрал гэгч асуулт-онъсого л, зохиосон хүн нь хариугаа задлалгүй өөд болчихсон орь ганц тайлал үгүй онъсого шиг!...
 - D. Үүрийн манан татчихаад, урд уул сүндэрлэнэ үү, тал цэлийнэ үү, эс мэдэгдэнэ.
 - E. Уулын оройд мацаж, алсын үзүүр ч хармаар, хонхрын хормой хумьж, хотгор гүдгэрийг нь ч нэгжмээр!



7. “Хүн хүн дор дороо тааж, хариу гаргаж, олсон хариуг нь хүн хүн дур дураараа няцааж, няцаахаар ч барахгүй ханцуй шамлалцаж, ханцуй шамлалцахаар ч барахгүй барилцан авч... эцэс сүүлдээ эзгүй хоосонд арилах хохийн цондон татна!” гэсэн хэсэгт зохиогч санаагаа хэрхэн гаргасан байна вэ?
- Сэтгэлийн өнгө аяс, санаагаа анхааруулан сануулсан
 - Төстэй хэлбэрээр, тэгш эрхтэйгээр зэрэгцүүлсэн
 - Санаагаа аажмаар өсгөн дүрсэлж, хүч нэмэн ахиулсан
 - Эсрэг тэсрэг санааг сөргөцүүлэн дүрсэлж харшуулсан
 - Ижил төстэй үгсийг салаавчлан бичиж сөөлжүүлсэн
8. “Таалгасан хүн нь таагаагүйгээ худалдана!” өгүүлбэрийг зөв тодорхойлоорой.
- Зэрэгцэх, угсрах холбооноос бүтсэн холимог нийлмэл өгүүлбэр
 - Тодотгол гишүүн өгүүлбэртэй угсарсан нийлмэл өгүүлбэр
 - Шууд тусагдахуун гишүүн өгүүлбэртэй угсарсан нийлмэл өгүүлбэр
 - Олон гишүүн өгүүлбэртэй угсарсан нийлмэл өгүүлбэр
 - Зэрэгцэх, харилцан угсрах холбооноос бүтсэн холимог нийлмэл өгүүлбэр
9. Аль нь хэлц өгүүлбэр вэ?
- Хүн хүн дор дороо тааж, дор дороо хариу гаргана.
 - Онъсого гэдэг хариунаас нь хариулж асуусан асуулт шиг.
 - Үүрийн манан татчихаад, урд уул сүндэрлэнэ үү, тал цэлийнэ үү.
 - Амьдрал асар богино хугацаатай юм даа.
 - Үг бүхэндээ хариу нь булталзаастай тааварт хүн бүдэрч худалдагдана.
10. “Үүрийн манан татчихаад, урд уул сүндэрлэнэ үү, тал цэлийнэ үү, эс мэдэгдэнэ.” өгүүлбэрийг салаалан хувиргасан нь аль вэ?
- Үүрийн манан татчихаад, уул сүндэрлэнэ үү, тал цэлийнэ үү, эс мэдэгдэнэ.
 - Үүрийн манан татчихаад, урд тал цэлийнэ үү, уул сүндэрлэнэ үү, эс мэдэгдэнэ..
 - Үүрийн манан татчихаад, урд уул хад сүндэрлэнэ үү, тал цэлийнэ үү, эс мэдэгдэнэ.
 - Үүрийн манан татчихаад, урд уул дүнхийнэ үү, тал цэлийнэ үү, эс мэдэгдэнэ.
 - Үүрийн манан татчихаад, урд уул сүндэрлэнэ үү, тал хөндий цэлийнэ үү, эс мэдэгдэнэ.
11. “Харин энэ амьдрал гэгч асуулт-онъсого л, зохиосон хүн нь хариугаа задлалгүй өөд болчихсон орь ганц тайлал үгүй онъсого шиг” өгүүлбэр дэх **“харин”** хэмээх холбоос эхэд ямар утга, үүргээр орсон байна вэ?
- эсрэгцүүлэх утгыг зааж, зэрэгцүүлэн холбох үүргээр
 - онцлох утгыг зааж, эсрэгцүүлэн холбох үүргээр
 - зэрэгцүүлэх утгыг зааж, эсрэгцүүлэн холбох үүргээр
 - лавшруулах утгыг зааж, төлөөлөн холбох үүргээр
 - ялгах утгыг зааж, төлөөлөн холбох үүргээр
12. “Урд уул сүндэрлэнэ үү, тал цэлийнэ үү” нийлмэл өгүүлбэр хэрхэн холбогдсон байна вэ?
- аялгаар
 - нөхцөлөөр
 - асуух утгат үгээр
 - нөхцөл ба үгээр
 - үгийн үндсээр
13. “Таалгах хүн нь инээд хүрч суухад таах хүн нь бодолд хатаж сууна.” өгүүлбэр дэх **“хатаж”** хэмээх үг эхэд ямар утгаар орсон байна вэ?
- санаашрах бодлогошрох
 - эргэцүүлэх тунгаах
 - зовох шаналах
 - таах таамаглах
 - эргэлзэх тээнэгэлзэх
14. Бүгд дүрслэх язгуураас бүтсэн хэсгийг олоорой.
- сарталзах, цөмлөх, бувтнах
 - хагалах, цоолох, бэртэх
 - бархирах, шаржигнах, бяцлах
 - сагсалзах, угзрах, годгонох
 - сарвалзах, сунгах, лугших



15. Цэгийн оронд тохирохыг сонгоно уу.
Эш татсан зүйлд энд тэндээс орхисон бол тэрхүү орхисон газарт тавина.
А. богино зураас (-) В. цуваа цэг (...)
С. цэгтэй таслал (;)
D. давхар цэг (:)
E. таслалтай зураас (,-)
16. Утгын нэгэн зүйлчлэлд хамаарах хэсгийг олоорой.
А. бордоо, хөрс, цэвдэг, хлор В. рубль, юань, фонд, евро
С. мангани, азот, магни, хүхэр D. данс, хөрөнгө, тэгшитгэл
E. онцолбор, дэвсвэр, урвал
17. Төрөл үгээс бүрдсэн хэсгийг олоорой.
А. ургамал, ургац, ургалт, ураглах В. сэрэмж, сэргэлэн, сэргэлт, сэргэг
С. амлалт, амбан, амсар, амгай D. бодлого, бодолт, бодгаль, бодит
E. будан, будаг, будалт, будаа
18. Үгийн сангийн онцлогоороо ялгаатай нь аль вэ?
А. хэвтүүл, цэрэг, чийчаан, сүрчиг В. намбух, улаач, шууданч, их хурал
С. алба гувчуур, оорцог, их хуралдай D. нэгдэл, илгээлт, оточ, эмнэлэг
E. өртөө, улаа, алба, ажил, манз
19. Дараах үгсээс аль нь нутгийн аялгууны үг вэ?
А. хайрхан В. бортого С. хөхөл D. сийдэм E. улаач
20. Хоёр гишүүнт бүтэцтэй холбоо үгийг олоорой.
А. Эмчийн заавраар эм уух В. Аавын бийд хүнтэй танилцах
С. Эзэн хичээвэл заяа хичээх D. Үлгэр түүхийг анхааралтай унших
E. Хүнд хүчрийг даван туулах
21. Бүтээврийн нийлцийг зөв холбон бичсэн хэсгийг олоорой.
Ишиг тургил+**бал/вал** тэнгэр муухайрна гэж эмээ өгүүлнэ. Өвөө маань эргэн тойрон+**ыг** дурандана. Цай даргитал буц+**л+ж** байхад айлчин ирсэнд ээж баярлана.
А. тургилбал, тойрныг, буцалж В. тургилвал, тойрныг, буцалж
С. тургилбал, тойроныг, буцлаж D. тургилвал, тойроныг, буцлаж
E. тургилбал, тойрныг, буцлаж
22. Гадаад үгэнд харьяалахын тийн ялгалын “-ийн, -ын” нөхцөлийг зөв дагуулан бичсэн хэсгийг олоорой.
А. анкетын, курсийн, математикийн В. анкетын, курсын, математикийн
С. анкетийн, курсын, математикийн D. анкетийн, курсийн, математикийн
E. анкетын, курсийн, математикийн
23. Үгсийг утгаар нь зөв ялган бичсэнийг олоорой.
А. байцай тарих, асуун байцайх В. голын саарь, гарын сайр
С. байцаа тарих, асуун байцаах D. голын сайр, гарын саарь
E. байцай тарих, гарын сайр
24. Ч.Лодойдамба “Алтайд” туужийн дараах хэсгүүдийн аль нь нийгмийн хам сэдвийг илтгэх вэ?
А. Геологичид энэ хоёр өдрийн дотор нөгөө л цахилгаантай газрын орчим л ажилласан ба гэвч урьдахаасаа өөр юм олж үзэж чадсангүй.
В. Чингисийн цэрэг баруун тийш довтлох үед хэсэг цэрэг Алтайн нуруунд аянгад цохиулж үхсэн ба Зэв мөн тусгай баатруудыг уг газарт очуулсан нь бас үхжээ.
С. Улиастайд байсан шоронд хоёр сар гаруй болоод, хэдэн хүмүүсийн хамт оргож гараад, жингийн зам тосож, Хятадын юм дээрэмдэн явжээ.
D. Га авгай босго алхмагц зогсоод малгайгаа авч бүгдийг бөхөлзөн амарчлахад дагз дээр нь ширэлдсэн буурал гэзэгний тав нь модолзоно.
E. Галдан өвгөний энгэр дээр сайн малчны тэмдэг бас хэд хэдэн одон медаль гялалзана.



25. Ч.Лодойдамба “Алтайд” туужийн доорх нөхцөл байдлаас Галданг хэрхэн дүгнэж болох вэ?

Галдан бол залуудаа говийн нэртэй анчин байгаад сүүлдээ багийн дарга, нэгдлийн дарга зэрэг ажил хийгээд анхийхээс нэлээд тасарсан хүн юм. Залуудаа бол 4-5 тэмээтэй яваад л түүндээ зээр, аргаль, янгирын мах дааж ядтал ачаад ирдэг хүн байсан юм.	Нутгийн олондоо ихээхэн хүндтэй болоод ардууд түүнийг Га авгай гэж нэрлэдэг хүн юм. Га авгай бол нэгдэлд ороод хэдэн жил болж байгаа бөгөөд одоо нэгдлийнхээ тэргүүлэгч гишүүн юм. Бас нэгдлийн тэмээ хариулах зэргээр Га авгай нэгдэлдээ чадах ядахаараа ажлаа үргэлж хийдэг хүн билээ.
---	--

- A. Ажлын арга эвийг олсон хашир туршлагатай нутгийн хүн.
- B. Алив бүх ажлыг хийж чаддаг сэргэлэн зангийнхаа ачаар амжилттай яваа хүн.
- C. Залуугаасаа нэртэй анчин байсныхаа нөлөөгөөр нэгдэлдээ тэргүүлж буй хүн.
- D. Бага залуугаасаа л нутаг усныхандаа хүндлэгдсэн төлөв төвшин хүн.
- E. Ажилч хөдөлмөрч байсныхаа ачаар үр шимийг нь хүртэж яваа хүн.

26. Ч.Лодойдамба “Алтайд” туужаас үндэсний ижилсэл буюу монгол хүний зан заншил, сэтгэл зүйн өвөрмөц онцлогийг илэрхийлсэн хэсгийг олоорой.

- A. Алтай нь манай эх орны нуруунуудын хамгийн урт нь бөгөөд хамгийн өндөр оргилтой нь юм.
- B. Дамдин “Зүрх хайрхан” гэж заахдаа долоовор хуруу нь тэнгэрийн хаяанаас нэлээд дээгүүр чиглэв.
- C. Авдрууд дээр юу ч тавиагүй бөгөөд зүүн талд нь навтгар ор зассаны өмнө элгээ хүрсэн цагаан сахалтай ханхар цээжтэй өвгөн цай ууж сууна.
- D. «Лус савдгийн буюу бурхны орон харагдаж магад, хэрэв харагдах юм бол заяа буян дэлгэрэх болно» гэж бодоод тэмээнээсээ буув.
- E. Гадаа морьдын тургих, манаанд гарсан Идэрийн хааяа хааяа исгэрэхээс өөр чимээ бас л үгүй нам гүм байлаа.

27. Б.Лхагвасүрэн “Тамгагүй төр” жүжгийн дараах хэсгүүдийн аль нь хаан төр ариун байх ёстойг харуулж байна вэ?

- A. Эгэрэг өрлөг надад хэлэхдээ
Эцгийгээ үхэхээр чи
Эхтэйгээ гэрлэнэ гэж хэлсэн
Эрхэт төрийн ёс тийм гэсэн.
- B. Хүннү төрийн тамгыг барих
Хүнгүй болчихоор нь
Хоёр сүүн уулын цаана
Хорин улаан горхины газар булчихсан.
- C. Арав алхахад найм нь алдаа
Адасга мэт араншинтай
Хүний нүд жавраар хайрсан
Хүүтэй юм байна, чи бид хоёр.
- D. Тэнгэрийн дор нэг л хаан
Өөрийнхөө он цагийг элээж
Өнгөрсөн хойно нь их орыг
Өөр нэгэн нэхдэг нь учиртай.
- E. Та бид хоёр үг таргалуулж суугаад яах вэ
Тамгаа өгчих
Сэтгэлээ барихыг хүсье
Сэнтийг чинь бол бөгс минь олоод суучихна.



38.

«
 +
 »
 «
 »
 ..

- A. $\frac{1}{2}$
- B. $\frac{1}{3}$
- C. $\frac{1}{4}$
- D. $\frac{1}{5}$
- E. $\frac{1}{6}$

39.

«
 »
 ..

- A. $\frac{1}{2}$
- B. $\frac{1}{3}$
- C. $\frac{1}{4}$
- D. $\frac{1}{5}$
- E. $\frac{1}{6}$

40.

«
 »
 ..

- A. $\frac{1}{2}$
- B. $\frac{1}{3}$
- C. $\frac{1}{4}$
- D. $\frac{1}{5}$
- E. $\frac{1}{6}$

ХОЁРДУГААР ХЭСЭГ

Санамж:

- Энэ хэсэг нь 4 даалгавар, нийт 20 оноотой.
- Сонгох даалгавар биш тул харгалзааг зөв тогтоож, тохирох хариуг будаарай.
- Зөв харгалзуулсан хариулт бүр 1 оноотой.

2.1. Жишээ өгүүлбэрийг нэр томъёотой нь зөв харгалзуулаарай. (a, b, c, d, e мөр бүрд нэг хариулт тааруулаарай. 1, 2, 3, 4 дугаарт байгаа нэр томъёо давхцаж болно.)

- | | |
|----------------------------------|-------------------------------------|
| a. Өвөлжив. | 1. Нэг бүрэлдэхүүнт цөм өгүүлбэр |
| b. Туулын шугуй найган ганхана. | 2. Хоёр бүрэлдэхүүнт цөм өгүүлбэр |
| c. Шөнийн тэнгэрт одод анивчина. | 3. Гурван бүрэлдэхүүнт цөм өгүүлбэр |
| d. Хурдан сурах хэрэгтэй боллоо. | 4. Цөм бус өгүүлбэр |
| e. Эмч Сүрэн жор бичнэ. | |



2.2. Яруу найргийн жишээг уран дүрслэлтэй нь зөв харгалзуулаарай. (a, b, c, d, e мөр бүрд нэг хариулт тааруулаарай. 1, 2, 3, 4 дугаарт байгаа нэр томьёо давхцаж болно.)

- | | |
|---|--------------|
| a. Нуга тойрмыг нойроос сэрээсэн
Нугасны чуулганыг битгий цочоо. | |
| b. Туулайн гүйдэл шиг салхинд
Туулын шугуй найгана. | 1. адилтгал |
| c. Ижийнхээ нүдэнд бол
Манцуйдаа тарвалзах
Мяндас цагаан хүү минь. | 2. багасгал |
| d. Аргал, чулуу хоёрыг
Андууран түүж саналаа. | 3. тойруулал |
| e. Алаг бөмбөл эрдэнэ
Алган дээр байна гэж
Зөгнүүлж ирсэн хүү минь. | 4. амьдчилал |

2.3. Жишээ үгсийг холбогдох дүрэмтэй нь харгалзуулаарай. (a, b, c, d, e мөр бүрд нэг хариулт тааруулаарай. 1, 2, 3, 4 дугаарт байгаа дүрэм давхцаж болно.)

Жишээ үгс:	Холбогдох дүрэм
a. эзэмш, үргэлж	1. Эгшигт гийгүүлэгч өмнөө юм уу хойноо аль тод хэлэгдэх талдаа заавал эгшигтэй бичигдэнэ.
b. биелнэ, тамга	2. Заримдаг гийгүүлэгч нь эгшигт гийгүүлэгчийн дараа эгшиггүй орж болно.
c. чандага, ганзага	3. Дараалсан гурван гийгүүлэгчийн гуравдугаар нь хоолойн "г", хэлний үзүүрийн "н" хоёрын нэг бөгөөд тэдгээрийн араас ялгах балархай эгшгээр үг төгсвөл "н" ба "г"-ийн өмнө богино эгшиг бичнэ.
d. жинхэнэ, ганхана	4. Дараалсан хоёр гийгүүлэгчийн хоёрдугаар нь хоолойн "г", хэлний үзүүрийн "н" хоёрын нэг байвал түүний өмнө "и"-гээс бусад балархай эгшиг бичихгүй.
e. үзвэр өгүүлбэр	

2.4. Үгсийг дүрсээр ялган, утгатай нь зөв тохируулаарай. (a, b, c, d, e мөр бүрд нэг хариулт тааруулаарай. 1, 2, 3, 4 дугаарт байгаа үгс давхцаж болно.)

- | | | | | |
|------------------|-----|-----|-----|-----|
| a. дав (даруй) | 1. | 2. | 3. | 4. |
| b. дэв (бузар) | ᠳᠦᠪ | ᠳᠡᠪ | ᠳᠦᠪ | ᠳᠡᠪ |
| c. дэв (зэрэг) | | | | |
| d. дав- (үйл үг) | | | | |
| e. дэв- (үйл үг) | | | | |

